

德

群書考索卷十六

後集

山堂先生章俊卿編輯

建陽知縣區玉刊行

官制門

吏祿類

周禮司祿缺其職而不載豈孟子所謂諸侯惡其害已而去其籍者乎
雖然軻嘗聞其畧矣自天子至於子男凡五等自公卿至士凡六
等

天子一位公一位侯一位伯一位子男同一位凡五等君一位卿一
位大夫一位上士一位中士一位下士一位凡六等

君十卿祿百八十人卿祿四大夫祿八十人大夫倍上士食倍十上士
倍中士食三十中士倍下士食十下士廢人在官者同祿食九廢人土

在官謂未命為士者祿足以代其耕也此大國之制次國小國則卿祿

有隆殺焉

次國君十卿祿卿祿三大夫大夫倍上士上士倍中士中士倍下士下士與妾人在官者同祿。小國君十卿祿卿祿二大夫大夫倍上士上士倍中士中士倍下士下士與妾人在官者同祿。

大抵自上農夫食九人積而言之耳孔子使原思為之宰與之粟九百子罕為齊卿其祿十萬鍾范雎許穰侯之辭曰自斗食以上有非相國之人者乎王翦攻闕與歸斗食以下秩佐史也。然則自周以迄戰國無不以穀粟制祿也。漢興雖小有增損然亦秦制三公號萬石有中二千石比六百石有真二千石有二千石比四百石有比二千石比三百石有千石比二百石有比千石推而下之以至于百石其月斛各有差班固雖不載於本史而顏氏百官表之注尚畧具焉考漢律丞相大司馬大將軍俸錢月六萬貢馬一書元帝亦曰臣為諫大夫秩八百石俸錢月九千二百此通典所謂其時亦有俸錢之差但史文不具耳然則西京之制有穀有錢往往設多而錢少。宣帝益天下吏百石以

下奉十石。成帝又益三百石以下奉。後漢建武二十六年增百官俸其千石以上乃咸於西京而六百石以下則增於舊制。晉緯置百官表注載後漢延平中二千石俸錢九千米七十二斛真二千石月錢六千五百米三十六斛。當湯帝時百官俸祿猶未多而錢少况於前乎伏則有賜贖則有賜立春則又有賜帛之制漢官儀所載猶可考也。北齊以帛制祿。後周以粟制祿。唐武德中外官無祿正觀中制有上考乃給祿其後遂定給俸祿之制以民地租充分官為九品有正有從而給米石各有差凡文武官每歲給祿以石計者總一十五萬有奇而在外者不與焉在外者其俸錢之制則以公解錢充。公解錢者官給錢本置本史府史回易納息以充俸。攷之通典凡在京文武正官每歲世給俸食等錢以千計者總一十五萬有奇而貞外置不與焉是唐初俸祿錢與米相等矣其後亂離百官俸祿才給其半。梁開平中始令全給。唐同光初祖庸使孔謙以軍儲不充百官俸錢雖多而折支非實請減半數而支實錢是後所支半實復從虛折。周顯德中

復支實錢。○宋朝皆約後唐之制或一分支實二分折支景德罷兵始
詔京師官每千實給六百在外四百至。○祥符以景貺來格又復增給
矣祿令之制定於嘉祐五年府祿米月止百石而俸錢則宰相月三百
千執政月二百千而使相則四百千而餐之有在此外者以月計之亦
不下四五萬錢則是本朝之制俸錢多於祿米元豐肇新官制職事官
職錢以寄祿官高下分行守試三等大率官以祿令為準而在京官供
給之數皆併為職錢如大夫為即既請大夫俸矣又請即官職錢視嘉
祐祿制為優至崇寧間蔡京秉政會鄙者一位於寄祿官俸錢職事官
職錢外復增供給食料既請僕射之俸又請司空之俸其餘皆從錢米
皆支本色執政皆然其視元豐制祿又增倍矣紹興兵興京官以上各
減三之一而小官之俸或反增於曩時所以責廉節也

歷代祿數

周制自天子至下士凡六等諸侯國君十卿祿二千八百人卿四大夫祿
千八百人大夫倍上士二千八百人上士倍中士六百人中士倍下士
八百人

下士與廢人在官者同食九次國之卿食二百一十人君食一千一百小國
之卿食四百人君食四百人次國之卿命於君者亦如小國之卿。漢制
自中二千石至百石凡十三等中二千石月俸百二十斛至百石
月俸十斛宣帝益天下吏百石以下奉十五石漢高

又按應劭注漢書云張敞蕭望之言曰今小吏奉率不足常有憂父
母妻子之心雖欲潔身為廉其勢不能可增天下吏奉宣帝乃益天
下更奉什一今二說抵牾不可不審姑兩存之

成帝陽朔中除八百石就六百除五百石就四百綏和二年又益吏三
百石以下奉凡更比二千石以上年老致仕者三分故祿以一與之終
其身漢通中三千石月俸百八十斛二十石百二十斛比二千石俸百斛
千石俸八十斛六百石俸七十斛四百石俸五十斛比四百石俸四十
五斛三百石俸四十斛比三百石俸三十七斛二百石俸三十斛比二
百石俸二十七斛百石俸十六斛自四百石以至二百石為長吏斗食

月俸一十斛或云斗石歲俸不滿百石計日而食一斗二升故云斗食
注史目俸八斗自百石以下是為下史
通典漢書表

改異按漢官制所食祿秩皆以斛計當是時但以米穀為祿也今觀
貢禹上書曰臣為諫議大夫秩八百石俸錢月九千二百為光祿大

夫秩二千石俸錢月萬二千則是又有錢為俸又按王莽詔曰公卿
以下一月縵布二匹或帛一匹是又有布帛為俸也由此觀之則漢

一代之官祿不可純以為用穀也

後漢大將軍三公月俸三百五十斛至建武二十六年增百官俸其千

石以上減於西京舊制六百石以下增於舊秩永初四年又減百官及

州郡縣俸各有差本凡諸受俸皆半錢半穀延平中定制中二千石

月俸錢九千真二千石錢三千五百比二千石錢五千千石錢四千

米七十二斛錢二千五百四百石錢二千五百三百石錢二千二百石

解六百石錢二千五百四百石錢二千五百三百石錢二千二百石

米九千百石錢八百臘及立春夏臘賜有差。**宋**永元初制州郡秩

律隨土所出無有定準有父母祖父母年登七十者並給見錢其郡縣

曰穀以芒種為斷。此前去官者則一年秩祿皆入前人此後去者悉

入後人。**梁**武帝天監初定九品令帝於品下注一品秩為萬石第二

第三品為中二千石第四第五品為二千石及侯景亂國用常補京官

文武月唯別得廩食多選帶一郡縣官而取其祿秩焉通揚徐等大州

比令僕班寧桂等小州比參軍班丹陽郡吳郡會稽等郡同太子詹事

尚書班高源晉康等小郡三班而已大郡六班小縣兩轉方至一班品

第既殊不可委載其州郡縣祿米絹布絲綿當處輸臺倉庫若給刺史

守令等先唯其所部文武人物多少由勅而裁。**後魏**初無祿秩至孝

文太和八年始頒俸祿罷諸商人以簡民事增調三疋穀一斛九升以

為官司之祿均調為二疋之賦祿行之後賦滿一疋者死。其祿每季

一請於是百官受祿有差諸宰人之官各隨近給公田刺史十五頃太

守十頃治中別駕各八頃縣令縣丞六頃更代相付至十年議定民官

依尺給絹。本史又曰初邊方小郡太守數戶而已一請止六尺絹給

不滿疋。**北齊**官秩一品每歲八百疋為一百疋從一品七百疋為一百疋

考定錄卷十六
一、二品六百疋。一、五、十、從二品五百疋。一、百、二十、五、三品四百疋。
為一、百、疋。從三品三百疋。一、七、十、五、疋。四品二百四十疋。為一、十、疋。從四品二
百疋。五、十、疋。為一、疋。五品一百六十疋。為一、十、疋。從五品一百二十疋。為一、十、疋。六
品一百疋。為一、疋。五、疋。從六品八十疋。為一、十、疋。七品六十疋。為一、十、疋。從七
品四十疋。為一、十、疋。八品三十六疋。為一、十、疋。從八品二十二疋。為一、十、疋。九
品二十八疋。為一、十、疋。從九品二十四疋。為一、十、疋。祿率一分以帛一分以
粟一分以錢事繁者優一秩平者守本秩開者降一秩長兼試守者亦
降一秩官非執事不朝拜者皆不給祿執事官一品以下給公田各有
差。州郡縣制祿之法刺史守令下車各前取一時之秩。上上州刺
史歲秩八疋。與司州牧同。上中上下各以五十疋為差。中上降上
下一百疋中中及中下亦以五十疋為差。下上降中下一百疋下中
中下亦以五十疋為差。上都太守歲秩五百疋。降清諸尹五十疋。
。上中上下各以五十疋為差。下上降上下四十疋。中中及中下
各以三十疋為差。下上降中下四十疋。下中下下各以三十疋為

差。上上縣歲一百五十疋與鄴臨瀋成安三縣同。上中上下各
十疋為差。中上降上下二十疋中中及中下各以五疋為差。下上
降中下二十疋下中下下各以十疋為差。州自長史下建于史吏郡
縣自丞以下建于掾佐亦皆以帛為秩郡有尉者尉減丞之半皆以其
所出常調課給之自一品以下至流外勳品各給事力一品至三十人
下流外勳品或以五人為等或以四人三人二人一人為等繁者加一
等平者守本力闕者降一等諸州刺史守令以下幹及力皆聽勅乃給
其幹出所部之人一幹輸絹上八疋幹身放之力則郡縣白直充。後
周制祿秩下士一百二十五石中士以上至於大夫各倍之上大夫是
為四千石卿二分孤三分公四分各益其一公因盈數為一萬石其九
秩一百二十石八秩至於七秩每二衰六分而下各去其一二秩一秩
為四十石。通。隋京官正一品祿九百石其下每以百石為差至正四
品是為三百石從四品二百五十石其下每以五十石為差至正六品
是為一百石從六品九十石以下每以十石為差至從八品是為五十

石食封及官不判事者并九品皆不給祿其給皆以春秋二季刺史太守縣令則計戶而給祿各以戶數為九等之差大州六百二十石其下每以四十石為差至於下下則一百石大縣百四十石其下每以十石為差於下下則六十石其祿唯及刺史二佐及郡守縣令通典。京官給職分田一品者各給田五頃至五品則為田三頃其下每品以五十畝為差正九品為一頃外官亦各有職分田又給公廨田以供用要。文帝時嘗以百僚供費不足臺省府寺咸置廨錢收息取給工部尚書蘇孝慈以為官人爭利非興化之道上表請罷從之公卿以下及給職田各有差通典義寧二年唐王為相國罷外官給祿每十斛給地二十畝界之通典。大唐武德中外官無祿貞觀二年制有上考者乃給祿其後遂定給祿俸之制以民也。京官正一品米七百石錢從一品六百石正二品米五百石錢從二品四百石正三品米四百石錢從三品三百石正四品米三百石錢從四品二百石正五品米二百石錢從五品一百石正六品米一百石錢從六品八十石正七品米八十石錢從七品七十石正八品米七十石錢從八品六十石正九品米六十石錢從九品五十石。諸給祿者左右千牛備身左右太子千牛衛等官給其春夏二季春給秋冬二季秋給。

凡京文武官每歲給祿總一十五萬一千五百三十三石三斗自至德之後不給。其在外文武官九品以上準官皆降京官一等給其文武官在京長上者則不降。諸給祿應降等者正從一品各以五十石為一等二品三品皆以三十石為一四品五品皆以二十石為一等六品七品皆以十五石為一等八品九品皆以十石五斗為一等。其俸錢之制京師諸官初置公廨令行署及番官與易以充其俸。貞觀十二年罷公廨置胥士七千人取諸州上戶為之準防閑例而收其

石錢從六品米九十石錢從七品米七十石正八品米七十石錢從八品六十石正九品米六十石錢從九品五十石。諸給祿者三師三公及太子三師三少若在京師宰相文武官職事九品以上并左右千牛備身左右太子千牛衛等官給其春夏二季春給秋冬二季秋給。凡京文武官每歲給祿總一十五萬一千五百三十三石三斗自至德之後不給。其在外文武官九品以上準官皆降京官一等給其文武官在京長上者則不降。諸給祿應降等者正從一品各以五十石為一等二品三品皆以三十石為一四品五品皆以二十石為一等六品七品皆以十五石為一等八品九品皆以十石五斗為一等。其俸錢之制京師諸官初置公廨令行署及番官與易以充其俸。貞觀十二年罷公廨置胥士七千人取諸州上戶為之準防閑例而收其

課三歲一更訐負少多而分給焉。貞觀十五年以府庫尚虛勅在京諸司依舊置公解給錢充本置令史府史胥士等今回易納利以充官人俸諫議大夫褚遂良上疏陛下近許諸司命史捉公解本錢不便太宗納之傳諸司捉錢依舊本府給月俸。貞觀二十一年復依故制置公解給錢為之本置令史府胥士等職賈易收息以充其俸。永徽元年悉發胥士等更以諸州租庸脚直充之其後又令薄賦百姓一年稅錢依舊令高戶及典正等掌之每月收息以充官俸其後又以稅錢為之而罷其息利。凡京文武正官每歲供給俸食等錢并防閑等總一十五萬三千七百二十貫外官不在此數外官則以公解田收及息錢等常食公用之外分充月料先以長官定數次州縣少尹長史司馬及丞各減長官之半尹大都督府長史副都督別駕及判司准二佐以職田數為加減其參軍及博士減判司主簿縣尉減縣丞各三分之一謂內外員外官同正員者祿料賜會食料一事以上並同正員其不同正員者祿賜食料亦同正員餘各給半職田並不給自乾元之後

以常賦不給內外官俸祿各減其半

內供奉及裏行不帶本官者祿俸食料防閑度僕一事以上並同正官帶官者聽從多處給。若帶外官者依官給食料賜會以京官同。諸檢校及判試知等官不帶內外官者料度一事以上准員外官同正員例給若檢校及判試知處正官見闕者兼給雜用其職田不應入正官者亦給

其特御史殿中及監察御史知試並同內供奉給行例

儀鳳三年制內外官俸食防閑邑士白直等宜令王公以下率口出錢以充給焉。**調露**元年九月職事五品以上准舊給仗身。**武太后**光宅元年九月以京官八品九品俸料授簿諸八品每年給度僕二人九品二人

又有親事帳內六品七品子為親事八品九品子為帳內限年十八以上舉諸州共率萬人為之

凡王公以下及文武職事三品以上帶勳官者則給之其親事府帳內府官附在王侯篇

三司王公開府儀同三司一百三十人 副王郡王八十人 上柱國帶二品以上
 職事九十人 帶三品職事六十人 柱國帶三品以上職事七十人 帶三品職事
 六十人 上護軍帶二品已上職事七十人 帶三品職事五十人 護軍帶二品以
 上職事六十人 帶三品職事六十人 諸州縣之官流外九品以上皆給白
 直二品四十人 三品二十人 四品二十人 五品十六人 六品十七人 七品七人 八品七人 九品六人
 衣監衣驛使與執事現其二品人十八人 三品十五人 四品十二人 五品九人 六品
 七品各六人 八品九人 九品各三人 關津兵分為三番每周二代者總之 初
 以民丁中男充為之役使者不得踰境後皆捨其身而收其課課入所
 配之官遂為恒制鎮戍之官以鎮戍上中下為差上鎮給仗身四人中
 下鎮將副各三人中下鎮副各二人倉曹兵曹成主副各一人其仗身
 十五日一時收資於百四十。開元十年正月省王公以下視品官參
 佐及京官五品以上官仗身職員凡京司文武職事官五品以上給防
 閣一品九人 二品八人 三品八人 四品八人 五品八人 六品八人 七品八人 八品八人 九品八人 以下給防


六品五人 七品四人 八品三人 九品二人 公主邑士八十人 郡主六十人 縣主四十人 特封縣主三十人 京官任兩職者從多給。凡州縣官皆有白直二品
四人 三品三人 四品二人 五品一人 六品一人 七品一人 八品一人 九品一人
 凡諸親王府屬並給士力數如白直其防閣廢僕白直士力納課者
 每年不過二千五百執衣元不過一千文防閣廢僕舊制季分月俸食
 料雜用即有分諸官應月給。開元二十四年六月乃撮而同之通謂
 之俸料一品月俸料八千食料千八百雜用千二百防閣二十千通計
 三十一千二品月俸六千食料千五百雜用一百防閣十五千通計二
 十四千三品月俸五千食料千一百雜用九百防閣十千通計十
 七千四品月俸三千五百食料七百雜用七百防閣六千六百六十七
 通計十一千五百六十七五品月俸三千食料六百雜用六百防閣五
 千通計九千二百六十七六品月俸二千食料四百雜用四百防閣三
 千五百五十七七品月俸一千七百五十食料三百五十雜用三百五十
 通計五千三百七十八八品月俸一千三百五十食料三百五十雜用三
 百五十通計三千三百七十八九品月俸一千三百五十食料三百五十雜用三

百庶僕六百通計二千五百五十九品月俸千五十食料二百五十雜
用二百庶僕四百通計千九百員外官帶同正者不減正員官食料錢
不帶同正者減半率臣李。天寶三載敕郡縣關職錢送納太府寺自
今已後納當郡充員外官料錢不足即取正官料錢分若無員外官當
縣分。天寶五載制郡縣白直計數多少同料錢加稅以充之不得配
丁為白直十四載八月制兩京文武官九品以上正員官自今以後每
月給俸食雜用防閑庶僕等宜十分率加二分其同正官加一分乃求
為恒式。肅宗至德二年已後內外官並不給料錢。乾元元年外官
給半料與識田京官亦與職田不給料仍勅度支使量開劇可給手力
課員外官一切無料全二年九月詔京官比無俸料柱玉之費將何以
堪宜取絳州穀錢給冬季即仰所由申請計會支給。大曆三年通計
京城諸司每月給手力資錢凡四萬七千五百四十六貫四十八並以
天下青苗錢充初以常賦不給乃稅人墾田畝十有五錢資用窘急不
暇成熟候苗青即征之故謂之青苗錢主其任者為青苗使。大曆十

二年四月度支奏給京百司文武官及京兆府縣官每月料錢自太師
以下及參軍文學博士錄事各有差應給百司正員文武官月料錢外
官負準式例合支給料錢自檢校及內侍省監省監亦有差度支奏每
年約加一十五萬六千貫文準舊給數都當二十六萬貫文已來伏望
準數起六月一日給付勅旨依仍令所司起五月一日支給待豐年無
事即準常式處分。六月七日戶部侍郎判度支韓滉奏準今年四月
二十八日恩勅加給京文武九品以上正員官月俸其同中書門下平
章事不帶正官勅內無額應檢校官同中書門下平章事並請同正官
例就一高處給勅旨依至於建中三年閏正月四日文武百官每月料
錢一百貫已上者三分減一八十貫已上者五分減一六十貫已上者
七分減一四十貫已上者十分減一三十貫以下者不減待兵革寧後
仍舊給至於貞元三年十一月二十八日勅京官及京兆府縣官宜加
給料錢至四年正月十六日敕京文武及京兆府縣官總三千七十七
員撥元給及新加每月當錢五萬一千四百四貫六百一十七文一年

都當六十一萬六千八百五十五貫四百四文三十四萬八千五百貫
八千三百五十五貫四百文新加已宋朝太祖乾德四年詔州縣之職
上並通典及理道要訣并唐會典會典宋政是親自来所請料錢多是折以他物既將貨易未免擾人豈惟傷
庶抑亦犯禁且民為邦本祿以代耕俸給苟或不充官吏何以知勸應
天下令錄簿尉判司等宜準漢乾祐三年收復於中等無色役戶內置
俸戶據本官所請料錢折支物色每一貫文給與兩戶貨賣逐戶每月
輸錢五百文除二稅外與免役其折支物色每歲有官吏隨鹽一併
給付元數及第定置田料錢人戶等易料錢二十貫至七貫俸戶自四
十戶至十四戶各有差役幕職官亦給俸戶開寶五年悉令罷之
太宗雍熙四年詔曰王者設班爵以馭責差祿秩以養賢所宜各懋厥
官共成庶務顧其稍食宜在優豐應內外文武臣僚等折支俸錢舊以
八分為十分支給自今並以實價給之大綱淳化三年戶部言桂州給
貞州十七兩四錢充轉運使時載月俸五十一貫八百文有逾常例望
令按劾詔以殊賜載仍別給俸錢焉。真宗祥符五年詔定加文武職

官月俸數加今制自唐正元四年定百官俸至僖昭亂離國用窮竭天
祐中止給其半梁開平始令全給後唐同光租庸使孔謙以軍儲不充
百官月俸萬數雖多而折支非實請減半數而支實錢是後所支半實
俸虛折顯德三年復給實錢宋朝之制備于國史大凡約後唐所定數
其非兼職者有一分實錢三分折支景德罷兵之後始其俸給他物者
京師一千給實錢六百在外四百帝嗣位以來承二帝恭儉之外富有
多積承平既久賦歛至薄軍國用度之外未嘗廣置自奉且以疾官勤
事非厚稍無以責庶隅故因行慶特給六年入內侍省亦等第加給
會。仁宗寶元初論者欲損吏兵俸賜帝曰祿廩皆有定制毋遽更變
以搖人心編。寶元間陝西用大輔臣議節浮費有議百官俸賜上曰
朕所欲去乘輿服御宮掖奢侈奇巧無名之費不給之用爾今國家擇
人用職俸賜自有定制何可裁減神宗熙寧二年詔自今文武朝
官乞致仕歷任有功積治狀顯著者給外任俸錢衣賜京官班行準此
其雖無功績治狀歷任無公私罪事理重及無賊罪者減半編。熙寧



P10以后缺

四年中書言天下選人俸既薄而又多寡不一恐不足以勸廉吏今欲
月增縣令錄事參軍俸錢至十五千米麥四石司理司法司戶參軍主
簿縣尉防團軍事推官軍監判官錢十二千米麥三石每月通增俸錢
一萬二千餘緡米麥二千八十餘石其三班使臣短使并押綱運並繁
費不易欲令三司勘會開畫以聞從之先是選人廩給下者至請錢七
千米麥兩石而已貧不足自養則往往陷於苟賤不廉之地上閱之故
更此法其後三班使臣卒不及增緡。高宗建炎初詔宰執及見任官
觀待歸未有差遣京官以上俸錢權減三分之一聖。紹興二年上語及
或賊吏呂頤浩曰則吏侵漁不可不禁然州縣官依條格合得請給宜
按月支與使之食足然後可以養廉賜上曰然輔臣因進呈諸路公使
庫支給外縣官供給條格詔申明行下聖。紹興三年上曰小官增俸
雖變舊法亦所以權一時之宜祖宗成憲固當謹守至於今昔事有不
同則法有所不行亦須變而通之自元豐增選人俸至十千二百當時
物價甚賤食飲食布帛之價比宣和間猶不啻三倍則選人何至毫

群書考索卷十七

後集

官制門

職田類

古者有鄉以下必有圭田圭田五十畝故王制曰公田籍而不稅夫圭
田無征是也

攷異按周制三等采地既以為公大夫之祿孟子所謂下士以上皆
有祿以代耕今之鄉已下必有圭田圭田五十畝然則分田亦得古
法矣抑周制采地之民一以井田之法授田於公而公卿大夫食其
賦以為祿初不以為私屬也

通典曰秦漢之間其制不詳至

晉公卿各有菜田

山堂先生章俊卿編輯
木石山人劉弘毅校正

後魏孝文太和五年州刺史郡太守并官節級給公田

隋文帝開皇中罷公廨錢收息公卿以下內外官給職分田一品五頃至五品則為三頃其下每以五十畝為差又給公廨田以供用

唐凡京諸司各有公廨田自司農寺而下其給頃畝有差諸州及都護府職分之田亦有等級其載於通典者尚載然而可考也

武德元年自王公以下皆有末業田親王一品六十頃至從五品五頃其數有差自上柱國三十頃至文武騎尉六十畝其數又有差此

傳子孫不在收授之限也凡京諸司各有公廨田內而自司農寺二十六頃至率史府各二頃所給有差外而自大都督府四十頃至中

成下成各一頃亦各有差諸京官文武職事各有職分田一品十二頃二品十頃三品九頃四品七頃五品六頃六品四頃七品三頃五

十畝八品二頃五十畝九品二頃並在京城百里內給百里內地少欲外給者亦聽之諸州及都督府親王府官人職分之田亦各有差

二品十二頃三品十頃四品八頃五品七頃六品五頃七品四頃八

品三頃九品二頃五十畝諸職分陸田限三月三十日稻田限四月

三十日以前上者並入後人以後上者入前人其麥用田以九月三十日為限各前人自耕不種後人酬其功直已自種者準租分法凡

給田而無地者畝給粟二斗

太宗正觀十二年以職田侵漁百姓詔給逃還貧戶視職田多少每畝

給粟二升謂之地子是歲以水旱復罷之唐志

正觀十八年以京兆府峽岐同華邠坊等州隙地陂澤堪可墾者復京

官職田唐志

元宗開元十年正月內外官職田除公廨田園外並官收先給逃還戶及貧下戶先次丁田中書舍人張嘉正奏至六月二十六日勅所置職田本非古法度自近制是以因循事有變通應刪改其內外官所給職田子從今年九月以後並宜停給會要

開元十三年內京官職田會要

開元十八年三月內京官職田特令準令給受會要

開元十九年四月勅天下諸州縣并府鎮戍官等職田四至頃畝造帳申省仍依元租價對定六斗已下者依舊定已上者不得六斗會。地不毛者畝給二斗唐

開元二十九年二月七日勅外官職田委所司準列倉中受納畢一特分付縣官亦準此會。其年以京畿地峽計丁給田猶不足於是分諸司官在都者給職田於都畿以京師地給貧民是時河南北職田蕪稅桑有詔公解職田有桑者毋督絲課

天寶十二載國忠以兩京文武職田送租勞民請五十里外輸于縣倉斗納直二錢百里外納直三錢使百官就請于縣然縣吏欺盜益多而開司有不能自直者唐

肅宗乾元元年亦給外官半料及職田京官給手力課而已唐。上元元年復令京官職田以時輸送受加耗者以枉法賊論其後籍以為軍糧矣唐

代宗大曆二年復給京兆府及畿縣官職田以三之一供軍饌唐

大曆三年九月十七日京官職田三分給二餘一分充軍料唐

大曆十二年十二月勅京諸司缺官職田苗子自今以後宜並充備當司解字雜用其草準處分仍令分司監察御史勾當會

大曆十四年八月勅內外文武官職田及公廨職田準式州縣每年六月三十日勘造白簿申省以諸司文辭勘會至十月三十日收徵給付

本官近來不守常規多不申報給付之際先付清望要官其閑慢卑官即被延引不付自今已後準式各令送付本官又準式職田黃籍每三

年一造自天寶九載以後更不造籍宜各委州縣每年差專知官巡覆仍造簿依限申送所司不得隱漏及妄破高荒如有違犯專知官先用

闕本典準法科罪會

德宗正元元年十一月詔文武常參官宜共賜錢七萬貫文委度支據

班秩所損職田多少量等給從今至明年四月以來隨月支給會

正元四年八月勅準田令永業田職事官從一品郡王各五十頃國公

若職官正二品各四十頃郡公若職事官從二品各三十頃縣公若職

事官從三品各二十頃侯若職事官正四品各十四頃若職事官從四品各十一頃會

正元十一年八月屯田奏諸州府送納内外文武官職田及公廨田四至白簿等前件簿書準天寶十四載八月十三日敕每年六月十三日勘造申省如違本判官牒吏部先用闕本典准法科處者伏以地段佃戶並無改移隨年造簿實有勞費今請令諸州府及畿内縣三年一送違限者準敕科處敕旨每年造簿事乃近煩三年一申又為太簡如外官並須勘造切慮因此擾人宜令應管京官職田等州府所造文簿二年一送其餘依舊會

憲宗元和六年八月戶部侍郎李絳奏諸州缺官職田祿米及見任官抽一分職田請所在收貯以備水旱賑貸從之會。其年敕百官職田其數甚廣今源濂水諸處道路不通宜令所在貯納充度支支用百官却令撥數於太倉請受會

元和十二年八月京兆尹竇易直請改職田並入兩稅地事竟不行會

。十三年二月詔百司職田多少不均為弊日久宜令每司各收職田草粟等數自長官已下據多少作等差除留闕官物外分給會。十四年三月屯田奏左右神策中尉準令式二品官合受田一十頃請取京兆府折衝府院戎勳梁均公廨等地七十七頃二十六畝八分數内取二十頃充前件官職田依奏會。其年四月勅京畿二十二縣欠元和十四年京百司職田二十二萬九千二百石東貫等京畿百姓聞甚難貧須差撥運軍糧今又備營陵寢雖應緣駟役皆給價錢而屢有役名頗妨農畝豈可更徵懸欠重使憂愁其所欠並宜蠲免其受納所欠職田或見任官班各請厚俸或近終考秩稍有餘資宜體朕懷以寬人力會

文宗太和五年戶部侍郎庾敬休奏兩川米價騰踴百姓流亡請以關官職田祿米以救貧民從之會

武宗會昌六年十月十四日京兆府奏請撥納京百司官夏秋職田斛斗等望從今後却準會昌五年前舊制上司官斛斗勸人戶便自送納所冀輸納簡便百官各得本分職田縣司所無隱欺勅旨從之會

宣宗太中元年十月屯田奏應內外官請職田時月已準令式為定然
每遇閏月交替者即據訖紛紜今式之中又不該說公田給用須用準
程今後望請如交替者有閏即以五十日為定式十五日已前上者入
後人已後上者入前人從之會。三年九月勅秦州刺史并秦城兩州
經畧使天雄軍使職田夏小麥共八十石秋粟一百二十石原州威州
刺史職田夏小麥各二十三石秋粟各六十六石七斗會

宋朝真宗咸平二年欲給職田詔議臣定制杜鎬曰職田廢於五代昭
於聖朝而計司以出納之名遂有輸稅之議臣歷尋故事應充州吏職
並無稅許長吏以下募人墾闢所得課租均分以鄉原之例準令以一
年造簿替日遞相交付不得私以贖賣自是始給內外京職田復定官
主諸路職田共一千四百頃以此田均濟官吏欲人各足用責其清謹
時御史王岳請以天下職田輸官少助振借不從

祥符八年馬亮言切見天下度官職田過為優厚請三二間權住支給
聊助經費臣今歲所得米麥四百二十餘石已據本府納官詔獎之

祥符九年七月丙寅詔曰職田蠶制品秩定規蓋優待於庶官且勞益
於稍食夫厚祿食者蓋欲聳其廉節務緣糶者亦在利於貧民佇介潔
之治聞必甄揚而明陟而州縣之職慈愛靡聞恤人勞且違田制闢
汗之始奪農力以多求歛熟之時峻公文而奄取無水旱蠲除之惠無
鄉原賑恤之恩有一于茲動輿訟訴沮傷和氣深敗素風各宜革心用
叶求治自今天下群官職田並須遵守元制無擾客戶遇災沴即蠲省
之大詔

仁宗朝唐肅嘗知洪州般舟南康不即赴或問之肅曰職田以四月為
限今遽往得無赴利之譏乎踰月乃上

天聖二年祕書丞韓琦言今後闕官職田如正官到任該得勅限給與
正官或不該者盡收入官更不給與管勾者上從之

天聖中上封事者請廢天下職田以收斂之際多量以害人屢政訟言
故耳晏殊與三司皆議罷上以為不可於是詔天下職田所納類聚申
三司三司紐定價錢均給諸道見任人

天聖七年晏元獻公奏曰朝廷置職田蓋欲稍資俸給其官吏不務至公以差遣徇私僥倖者極衆屢致訟言上煩聽覽欲乞陳罷時可其奏但令佃戶逐年收課利類聚天下都數紐價均散屢公文七年內降上封者言乞天下停廢職田勅應天下職田宜依所奏停罷其見佃人戶逐年分課利並納入官仰諸道州府軍監每年各具夏秋納到石斛時估價例申三司類聚天下都數數目紐成價錢均給與諸道州府軍監見任官員其均等第及今行條約令三司奏聞要會

天聖七年八月丁亥詔曰洪惟先聖勤郵廢工謂廩給之稍豐則潔庶之易守矣稽故實並賜公田歲月寔深侵牟滋長間從起獄反以害人重念蠶務之臣固多秉節之士苟例傳於租入將曷勸於官勤歛而均之孰曰不足其罪天下職田悉以歲入租送官具數上三司以所在時旣定價例而均給之仍委三司別行約束以聞大略

天聖九年正月癸巳詔曰天下吏給職田所以惠養廉節也而貧汚之人並緣為私浸漁細民滋以為害比詔有司皆從停罷如聞勤事之吏

祿薄不足以自養朕甚閔焉職田即無得多占佃戶及無田而配出租

連者以枉法論大略

慶曆三年詔限職田大藩長長吏二十頃通判十頃判官五頃幕職官四頃凡節鎮長吏十五頃通判七頃判官四頃幕職官三頃五十畝凡防園以下州軍長吏十頃通判六頃判官三頃五十畝幕職官二頃凡縣令萬戶以上六頃五千戶以上五頃不滿五千戶並四頃自此人有定制士有所限焉要會

神宗熙寧中又以四川職田歲收子利稻麥絲麻竹等物隨處不同遂詔中丞延誨知雜劉述均定乃計實紐作稻麥一色每耳中價自有二千而梓利夔三路數少均錢不足止到成都一路以高下均給之

元豐以後復熙河等路以其地給弓箭手而郡縣官職田每頃歲給錢鈔十千

哲宗元祐中復推廣神宗均定四川遺意以限月之法變而均給焉

元符新勅又變限月而貪冒者或窮一日之力以赴期會

徽宗初杜子充請復元祐均給之法以養廉吏從之初晉州守臣李君
卿以所取職田諭意屬邑令增租入此舊數倍後襄陵縣令周政力陳
其弊郡守時彥歲減十七八佃戶始脫苛歛之苦而晉絳陝三州圭隄
素厚守臣多苛法易其種子或遺子弟監護舍行猥賤無所不有
建中靖國初知延安范純粹乞令監司究治改正從之

大觀四年言者謂祖宗之制以提點刑獄官察所部職田故嘗給以圭
租度不同其利而公行之也近歲提點刑獄官所受圭租同於他司而
檢法官亦視其長乃詔依舊法

政和末言者又謂天下圭租多寡不均縣令所得多至九百斛如階州
之高苑八百斛如常州之江陰自是而降或四五百或二三百閩廣有
自來無圭租處遂詔繫令職田未有及格者從令標撥

宣和元年詔諸路州繫違法抑都保正長及上戶虛認職田租者以違
詔論檢傷不盡者計則以枉法論入己者以自盜論

高宗紹興二十七年臣僚言凡官吏之祿米輒加耗及任官以職田未

高價抑市戶出糶者許人戶越訴並計贓科罪

孝宗初詔職田米輒取折納見錢者並計贓坐罪其為防禁之請嚴矣
任子

古者有世賞無世官蓋賞可世也官不可世也。舜命夔典樂教胄子

皋陶稱舜曰賞延于世是舜之時有世賞而未有世官也。周武王泰
誓始有官人以世之說而周文王治岐仕者世祿而周官教國子之
法詳焉師氏以三德至德敏三行孝行友教國子主養國子以道教之

六藝五禮六樂五射五御六書九數六儀祭禮賓客朝廷喪紀車馬王
子禮樂掌成均之法合國之子弟以樂德中和祗庸孝友樂語興道諷
誦言語樂舞雲門大卷大咸大磬大夏大濩大武教國子諸子掌國子

之遊深使之脩德學道春合諸學秋合諸射以攷其藝而進退之康王
戒畢公曰世祿之家鮮克由禮以蕩陵德實悖天道周衰仲尼歎曰大
人世及以為禮。春秋臨三年書尹氏宣十年書崔氏譏世卿也成五

年書伊叔之子來聘而公羊以為譏父老子代也。其後高國之侵齊

孫審之專衛六卿盛而分晉三家強而擅魯而遂有世家僭竊之禍。漢興諸侯皆以嫡子襲爵而漢襲勝免策曰其上子若孫同產若同產子一人各除為即是漢法唯得任其子若孫同產若子而已漢儀云二千石以上親事滿三歲得任子弟擇其茂庶者也補令丞九卿得任劉向以父任為即以行備節遷諫大夫是漢法既任而復有所決擇此當法之善也任子之名亦不一有任為太子洗馬者及黜有任為太子庶子者蕭育有任為太子舍人者董賢有任為右校丞者辛慶忌有任為郎者蘇武有任為侍中中即將者于永至宣帝時王吉上疏曰今俗吏得任子弟亦多驕整不通古今宜明選求賢除任子之令及哀帝始除任子。晉之季年專稱閥閱自是三公之子傲九棘之家黃散之孫茂分長之室論門戶而不議賢能惜哉。後漢立九品中正之法而上品無寒門下品無世族迨乎。唐而任子之法益詳矣禮部簡試太廟齋即以五品已上子孫及六品職事并清官子為之郊社齋即以六品職事官子為之文資也皆讀經粗通釋儀狀端正者兵部簡試千牛備身

及太子千牛武資也補親衛勳衛翊衛者皆五品已上之子若孫也劉祥道以襲爵歷御史中丞李德裕以蔭補校書郎裴行儉亦以蔭補弘文生此任子之得人也馬周嘗言今不肖襲爵嗣職則兆族被殃魏文同言貴戚子弟一皆早仕弘文崇賢千牛輦脚之類技能薄而能開高請裁諸從沈既濟論曰太之弊亦曰世胄之家太優此任子之失也會昌以後公卿子弟朋比貴好益妨平進之路矣於是武宗決意然之李德裕以無名弟為宰相甚欲扶持主張不免深疾進士曰朝廷顯官須公卿子弟為之大抵唐之末造也在止於同產若子者漢法也在止於子若孫者唐法也文武蔭補之制自後唐天成三年變和奏蔭即歲以三十人為限同光二年奏千牛左右仗各六員歲以十二員為限至宋乾德元年詔歲每歲奏補千牛齋即之類歲凡補二十五員建隆初歲制禮部補齋即兵部補進馬以三事覆試之曰身曰年曰通書官而不實主者坐之故矣興王胎孫坐補進馬失實而貶官趙元拱高元緒坐補齋即失實而貶官是也在後共維初定任子之法蓋省六品諸

司五品必嘗登朝歷兩任然後得請不補者則不補矣太宗淳化始因
改元恩霈文班中書舍人武班大將軍以上並許蔭補如過轉品即許
更蔭一子而奏薦之廣自此始至道二年始有壽寧節推恩之令則聖
節奏薦自此為列真宗大中祥符元年始有東封禮畢推恩之令則郊
禋奏薦自此為列前朝恩之累常裁定聖節奏薦自嘉祐元年罷今唯
郊禋如故至于致仕遺表之恩凡子之皆特典也而後亦為定制至于
熙寧始裁定諸衛將軍諸司副使累奏不得過二人非任路分都監差
遣即須入仕三十年方聽奏薦而限年限員之法立置和四年中大夫
至帶職朝奉郎入官十五年諸衛大將軍武功至武翼大夫入官二十
年宣和四年勅內侍郎官武功大夫至武翼郎累奏不得過二人肆于
孝宗法度益嚴。淳熙九年更務裁抑始立遠郊養補恩澤止數宰相
十人開府儀同三司以上同執政八人侍從六人觀察使至節度使侍
御史同中散大夫至中大夫右武大夫至通侍大夫同帶職朝奉郎朝
議大夫三人武翼大夫至武功大夫同致仕遺表恩澤文臣見任宰相

八人舊十二人曾任宰相七人舊十一人見任執政六人舊九曾任執
政謂帶五人舊七在內侍從在外侍制以上或不帶職大中大夫以上
二人舊三無遺表止得致仕者侍御史舊二中散中奉至中大夫舊二
朝奉郎至朝議大夫一人武臣見任使相七人舊七曾任使相六名舊八
人見任執政太尉謂齊桓公六名舊六曾任執政節度使五人舊七諸
衛上將軍至承宣使四人舊五觀察使二人舊四通侍大夫二人舊四
正侍至右武大夫舊二諸衛大將軍武功至武翼大夫舊一一人舊一
後始有郊祀文禮太祖太宗朝無有也韓令贊以節度使卒劉燾以諫
議大夫卒皆以特恩官其子胡旦父歷侍從以目疾致仕為子求官謹
得試銜是無遺表致仕之例也王超入為殿帥出歷四鎮建鉞乘旄垂
二十年而身歿之後其子德用始以天平軍牙校補官是三衙方鎮亦
無奏蔭之法矣魏咸信以都尉建節時謂於朝始官其子是公主亦無
奏蔭之法矣趙普侯命元勳久居將相之任未嘗為子求官太祖亦不
行延賞之典他日特授承昭為六宅使已為厚恩矣。以上周禮通典

再考宋朝任子

太祖建隆開寶猶循古制宰相止賜一子官故沈倫盧多遜子並為水部員外郎參知政事樞密副使之子或為供奉官。未嘗言資蔭子弟但能在家彈琵琶弄絲竹豈能得治官於是不許親民讀。建隆四年詔尚書禮部所補大廟齋即自今每歲齋即以十五人為額其蔭補人並須年貌合格試念書精熟如經試引驗不合元敕其本司官並當貶降于牛進馬亦同每年所補各減二員。乾德五年虞部郎中趙元拱國子監奏延緒坐試齋即念經不實皆責授二年周易博士吳嶼坐試進馬不實責降舊制臺省六品諸司五品已上官皆得補蔭進馬歲兵部試念經精熟者中選齋即亦然試於禮部至是陶穀子鄴求補殿中省進馬而所試令未精穀知私請於嶼即以鄴合格聚問事發案之故有是命穀亦奪兩月俸會要

太宗至道二年詔自五品以上任子不得復權太祝參令同學究出身

後漢書集先是帝謂宰相曰高梁之族官勳已崇貴子孫仕宦者多至四五人每軍慶中多授以稱官未幾即授正員不十數年半至闕籍此其弊政亟宜革之故有是詔。尚書禮部補齋即兵部補千牛進馬挽即遇山林則補之也會要

真宗咸平四年校書郎張褒言文武臣僚蔭補子孫歿於王事親屬授官者泣事不學動成過咎持祿自滿豈知民情欲望自今並令先具所習文武書計事業差官考試隨其所長量才任使若無可來者乞授散官且令習業假有所立許上書求試放較中程即與等第差違仍詔樞密直學士馮拯陳堯叟同詳定聞奏拯言準禮部令式所補齋即須兩經粗通文義令奏補多是不經考試便授京秩州縣官及諸色出身若依式求文義粗通然後補署又慮難頻改更欲望自今文武臣僚奏補及擬於王事子孫骨肉內京官候至求差遣時審官院官員親寫家狀仍令讀一經家狀取書札稍堪讀書取精熟無數者方為合格依例且與監當若在任別無贓罪顯有勞績候得替許與事狀進呈取旨其直

授州縣官等委銓司依此改試候合格方得給發特替子發遣赴任得
出身人至參選日亦依此施行不令格者並致一選本官且令習學候
次年依此再行考試。**咸平**五年詔自來臣僚並奏異姓名門客或除
簿尉賜出身今並罷之。**大中祥符**二年詔門資求差遣者當於國
學習書以二年為陽仍令審官院判監次考試訖以名聞。**乾興**元
年翰林學士李維晏殊等言勿自至道中
天宗三年時宋白梁周翰各奏姪男充求定陵挽即臣維有外甥王諫
臣殊有堂弟詢欲望充求定陵挽即上從之。**慶曆**三年九月開天
仁宗天聖九年王堧等執即注官如齊即例。**慶曆**三年九月開天
章閣責治范仲淹富弼有曰自

真宗皇帝以太平之樂與臣下共慶恩漸廣大而任子孫法弊冗濫日
增請罷少司監以上乾元節恩澤正即以下軍監司邊任須在職二年
始得養子弟大臣不得薦子弟在館閣。十一月丁亥詔周大司樂
掌學政以六藝教國子則官制蓋本於出官而今之養法推恩太廣以

致陳宗蒙澤推齒授官未知立身之道從政之方而並階仕進非所以
審政重民也其著為令使夫冢嗣先錄以篤為後之體支子限年以明
入官之重設考課之格以保任之條古不云乎爵祿者天下之砥石人
君所以礪世而磨鈍咨爾廢位體茲意焉自是任子之恩殺矣然猶未
大艾也。**同**。八年九月己未發中侍御史何郊言近年大臣能兩府任
便陳乞子弟召試充館職或出身用為恩例望自今後館閣不許臣僚
陳乞子弟外其陳乞及奏舉人同試以塞私倖詔今後臣僚奏子弟姪
等乞出身及館職如有合該恩例者送學士院精加考試候點到等第
臨時取旨。**至和**二年諫官李東之言往年減省蔭補近臣但於服屬
疎遠者舉行數事而已使天下議論不厭伏大凡立法自貴始則人無
怨心請先自頒御宗室兩府大臣以至帶職員外諸司副使內臣之家
一切裁損於是詔兩制臺諫定議以聞。**嘉祐**元年初龍圖直閣學
士李東之請定選舉補蔭之法知諫院范鎮侍御史母湜翰林學士承
旨孫抃等亦更進其言自是每歲減入流者無慮三百負長御史李絃

言此奏薦親屬無親疎之禁因得以冒為奸諫議大夫趙相以孫為子
取為高蔭自非具陳朝廷曷究其弊止乃詔自今奏薦子弟皆言服紀
親疎即不奏無服之親。嘉祐五年以內外官凡令臺諫六品諸司五
品一郊而任一人者曾為兩女制以上一歲而任一人增為三歲長

神宗熙寧元年八月初御

如英乞兩府兩制奏第姪並受職官大

卿監亦罷奏子京官諫官中乞內自后妃外自宰相並權罷奏薦十
年致仕遺表許奏一人兩府奏子孫終身無過五人兩制三人卿監二
人郎中一人郎官員外郎兩遇郊任子其餘悉罷諫官吳克乞裁定妃嬪
事合人北帶職員外郎兩遇郊任子其餘悉罷諫官吳克乞裁定妃嬪
外戚遇聖節奏親屬恩數詔兩制同定張。學士承旨王珪等議乞宰
相使相奏再從弟姪並典試街大卿監遇郊奏子一人初等職官小卿
監兩遇郊奏一人符制觀察使以上三遇郊奏姪姓一人諸妃每遇同
天節郊禮奏一人羸主每遇郊奏子一人歸司副使兩遇郊奏一人並
從之

神宗元祐元年八月右司諫蘇轍言臣伏見祖宗舊法凡蔭補子弟

限二十五歲然後出官守選逢恩乃得注官從來又遠習以為常先朝

慮天下官吏不習法令欲誘之讀法乃令蔭補子弟不復限二十五歲

出官許令試法通者注官自是天下官吏爭誦律令於事不為無益然

人既習法則試無不中故蔭補者例減五年遂令吏部員多闕少差注

不行臣愚以為宜復之祖宗守選之舊而選滿之日兼行先朝諸侯之

科此亦今日之便也蘇。十一月右司諫王觀言臣伏見給率左右司

郎官等準朝旨用度裁減入流人數臣切見文臣與武臣任子之法殊

有未均文臣承議即班列既在武臣諸司副使之上而諸司副使品常

調今得任子承議即以上至朝請即非帶職者皆不得任子以品秩言

之武臣親文臣若皆常調雖諸司使猶未可以任子也况副使哉蓋前

日諸司副使貪少任子不多而入流之人未冗也惟恩稍廣無所不可

今副使員多任子者衆而入流之人冗甚則理當比類文臣重別立法

伏望聖慈指揮下有司與前項裁減入流事一處相度施行蘇

孝宗淳熙七年臣僚劄子乞明詔有司將銓試終場合取人數令本經
及法律試官各取其半本經取者以法律兼場法律取者以本經為兼
場庶幾不廢舊規任子益加勉焉。淳熙九年臣僚乞自今以始文
臣員即武臣副使終身止得任一子員即不許於貼職副使不許於隔
郊自正郎正使以上其再遇大禮者則增至三隔郊者則展至于再
非待從則無遺表自侍從以上其生前曾經奏薦者於致仕遺表皆預
於在格之半仍以品秩之崇早立為員額之定數若一品則通許蔭補
幾人而止秩而下之各為限額。

再論任子得人

漢汲黯自衛君十世為卿黯以父任為郎為太子洗馬後仕武帝諫諍
剛直義形于色張安世以父任為郎上亡書二篋詔問莫能知惟安世
識之後定策立宣帝金日磾世名忠孝七世內侍

東漢楊靈至處四世太尉德業相繼

唐肅瑪至遇八葉宰相各德相望與唐處業義正至洪靖三世宰相

李德裕補學士即深嫉進士因曰朝廷顯官須公卿子弟為之何者
少習其業自熟朝廷事蓋閣之儀不教而自成子弟未易可輕德裕之
論偏異並本

宋朝韓維忠憲公億之子以蔭補將作監簿後為門下侍郎范純仁文
正公次子以恩授太常寺太祝後中進士第元祐中兼中書侍郎曹緯
彬之子以父任西頭供奉官為將四十年用兵未嘗一血種世猶放之
一兄子以蔭補將作監簿為將有智畧用間精密素得屬心復定和戎
之策並言

大臣不求任子

宋太祖時趙普為相及廢三鎮節度未嘗為子求官太宗特授六宅使
訓。呂蒙正三入中書未嘗為姻戚微寵澤從簡書奏補之制宰相奏
子起家即授水部員外郎加朝階公奏曰臣昔忝甲科及第釋褐止授
六品京官况天下才能老於巖穴不能露寸祿者無限今從簡始離襁
褓一物不能知膺此寵命恐罹陰譴止乞以臣釋褐所授官補之自此

群書考索卷十七

畢

後集

群書考索卷十八

後集

山堂先生章俊卿編輯
建陽知縣區玉列行
縣丞管韶校正

○官制門

設官沿革類

設官沿革

各舉宗著者其於掌部之官
長難品秩下者亦附出焉

黃帝六相為之輔相不必名官少皞特司徒前漢嘗加大○司馬項羽

加大漢以後曰大○司空前漢加大改御史大夫為之○司寇後周有

大司寇卿唐堯有十六相義仲義叔和仲和叔州牧虞太師太保納言

隋及大唐嘗改侍中為之后稷秩宗士共工夏六卿商太宰晉宋齊梁

陳改太師為之○太宗太史太祝太士太卜司士司土司木司水司草

司器司貨太子太師太子太保太子太傅太子少傅方伯周太傅少師

少保冢宰後周加大○宗伯後周加大○內史秦有內史理京師有諸

郡守漢分為左右又置京兆尹左馮翊代之後周有內史中大夫隋改中書為內史監今大唐亦嘗以中書為內史焉。大僕正至漢為大僕梁為卿大唐為司馭卿又嘗為司僕卿。前後左右將軍周未置。大將軍自戰國時楚置秦太尉丞相。丞相皆左右後周加大。相國侍中本丞相史隋改為納言又改為侍內大唐嘗為納言或為左相或為黃門監。黃門侍郎後周納言下大夫唐為東臺侍郎又為鸞臺侍郎又改為門下侍郎。散騎常侍魏加侍郎又加員外加通直大唐分為左右。尚書令僕射本少府吏以五人在殿中主發書其一人為僕射漢為左右大唐嘗改為左右國政或為左右丞相武太后嘗改為文昌左右相。尚書本少府吏四人謂之尚書至漢分曹掌事後漢為五曹曹為六曹。尚書丞至漢置四人後漢光武或二人為左右丞大唐嘗為左右肅機。御史大夫大唐嘗為大司憲武太后嘗改為肅政又分為左右。奉常漢改曰太常後曰奉常又改為太常後漢為奉常自後為太常梁謂之卿大唐嘗為奉常卿又嘗為司禮卿。郎中今漢為

光祿勳後漢為郎中今魏為光祿勳梁勳字謂之卿大唐嘗為司卿卿又嘗為司膳卿又為光祿卿衛尉漢嘗為中大夫今至魏謂之卿至大唐嘗為司衛卿。宗正漢嘗改為宗伯至大唐嘗為司宗卿又嘗為司屬卿。理國諱改之粟內史漢改為大農令又改曰大司農後漢末為大農魏為司農至梁謂之卿後魏又加大大唐嘗為司稼卿又為司農卿。主爵中尉漢以右扶風代之。主爵二漢梁北齊嘗為大理梁謂之卿餘代曰廷尉大唐嘗為詳刑卿又為大理卿。典客漢改為大鴻臚又嘗曰大行至梁徐大字謂之卿至大唐為司文卿又嘗為司賓卿又為鴻臚卿。典屬國少府至梁謂之卿大唐嘗為內府監亦嘗為尚方監又為少府監。將作少監漢改為大匠梁為大匠卿隋將作大監又改為大匠大唐亦嘗為大匠又嘗為繕理監又嘗為營繕監又為將作監。中尉漢武更名執金吾。中書謁者今僕射至漢嘗以宦者為之魏為中書監今專掌機務隋為內史監今尋改為內史令又改為內書又為內史令大唐復為中書令嘗為右相又為內史又為紫微令

○嘗事[大]唐嘗改為端尹又嘗改為官尹少詹事並為少尹○中庶子
[大]唐改庶子為左右[隋]罷中[大]唐嘗為左右中護○太子家令[大]唐
嘗為宮府大夫○率更令[大]唐嘗為司更大夫○僕[大]唐嘗為馭僕大
夫○內史理京師[漢]為左右又置京兆尹左馮翊代之○郡守[漢]改為
太守[後漢]每郡置三太守[隋]置通守[魏]改二守[隋]改通守並佐貳○太
中大夫[漢]領尚書事至[後漢]為錄尚書事[大]唐並為文散官○三公曹
尚書[後漢]改二千石曹掌中都官水火盜賊詞訟罪青亦謂之賊曹[晉]
曰三公掌刑獄[齊]為都官[隋]為刑部[大]唐嘗為司刑太常伯又嘗為秋
官又改為憲部又改為刑部○客曹尚書常侍曹尚書[後漢]改為吏曹
主選舉又為選部[魏]為吏部[宋]置兩員又[大]唐嘗改為司列太常伯又
為大官○中書侍郎[東]晉嘗為通事郎[隋]為內史侍郎又為中書侍郎
[大]唐為內史侍郎又為西臺侍郎又為中書侍郎又為鳳閣侍郎又為
紫微侍郎○御史中丞[後]魏曰中尉[大]唐改侍書侍郎御史為之嘗為司
憲大夫○光祿大夫優寵者則加銀章青綬至[魏]置則有金章紫綬[齊]

嘗署左右至[隋]為散官○中散大夫王莽置[大]唐為文散官○大皇太
后卿長信少府○太后以下卿以至于陳自[後]魏無○皇太后卿長樂
少府皇后卿大長秋[隋]有令[大]唐改為內史○中常侍[大]唐為內常侍
○都水使者至[宋]嘗為水衡令[梁]曰大舟卿[隋]嘗為都水監[大]唐嘗為
司津監又嘗為水衡都尉○駢騎[後]漢加大夫[唐]為武散官○游擊大
[唐]為武散官○衛車騎驍騎[梁]置左右○伏波上騎材官輕車樓船橫
海護軍[大]唐為勳官渡遼貳師蒲類破羌強弩戈船奮威建威積射等
○將軍奉車騎駙馬等都尉至[梁]尚主者為○司隸校尉督察三輔[隋]
有司隸大夫[唐]京畿採訪使亦其職○刺史刺理郡縣至[隋]理人○都
護京兆尹左馮翊右扶風特進[大]唐為文散○諸加官謂左右曹諸吏
散騎中常侍侍中給事中也○[後]漢尚書侍郎三十六人○初稱尚書
郎中滿歲稱尚書郎三歲稱侍郎五歲遷大縣令[魏]有尚書郎[晉]又有
郎中[隋]初置三十六侍郎後置員外郎一人後又六曹各置侍郎每曹
有郎有員外郎[大]唐改曹郎為郎中○秘書監後又置令[大]唐嘗為蘭

臺太史少監為侍郎又嘗為靈臺。武衛隋置左右。大唐為左右鷹揚衛。輔國晉加大宋改為輔師。大唐為武散官。四征四鎮四安武才征虜橫野鷹揚討逆破虜等將軍。四中郎將都督。晉加大。河南戶留守班同三司。前漢文帝以宋昌為衛將軍。亞三司未為官也。魏有開府儀同三司。晉八加開府儀同三司。後魏有儀同三司。北齊有開府儀同三司。又有開府儀同三師。後周有開府儀同六將軍。至隋為散官。又諸衛各置開府一人矣。八座魏五兵尚書。至後魏有七兵尚書。隋曰兵部。唐嘗為司戎太常伯。或為夏官。或為武部。或為兵部。度支尚書。吳有戶部。晉以後為度支。至隋為人部。唐嘗為度支。又為司元太常伯。又為戶部。祠部。晉尚書。至後魏有儀曹。後周有禮部。隋置禮部尚書。唐為司禮太常伯。或為春官。又為禮部。殿中監秩甚卑。隋曰殿內監。唐嘗為中御府太監。中衛晉分為左右衛將軍。隋改為左右胡衛。唐復為左右衛。中領軍。尋改曰領軍。隋改為左右屯衛。唐嘗為左右戎衛。又嘗為左右玉鈐衛。又為左右領軍。鎮軍大冠。

軍游騎並唐為武散官。四平鎮北武威國諱改焉。撫軍陵江寧朔等將軍行臺權置僕射尚書等官號以總外事也。晉起部尚書有事即置事畢。即省唐嘗為司平太常伯。又為工部。國子祭酒。唯宋曰總明觀祭酒。唐嘗為大司成。又為成均祭酒。中軍龍驤寧遠唐為武。或曰宋殿中將軍。梁太府卿。唐嘗為外府卿。又嘗為司府卿。始以太常寺各卿分為四時九十二卿。雲麾忠武壯武明威定遠等將軍唐並為武散。宇宙大將軍。後魏柱國。大唐為勳官。天柱二大將軍諸少卿。後周軍器監。隋恭掌機密守掌朝政。並宰相之任。左右武侯府大將軍。唐為金吾衛。左右監門府將軍。唐改為衛。大總管通守折衝府正議朝議朝請朝散等大夫。唐並為文散官。左右驍衛府唐除府字。大唐太子賓客。漢之四皓非官也。左右千牛衛左右屯營。後改為羽林軍。嘗改為衛。左右威衛。又嘗改左右豹韜衛。左右龍武將軍。平章事參知政事參知機務同中書門下三品平章軍國重事節度使採訪使宣威懷化歸德等將軍。並武散。以授歸義蕃官也。

封爵

黃帝方制萬里為萬國各百里

唐虞夏建國凡五等曰公侯伯子男

殷公侯伯三等。公一百里侯七十里伯五十里

周公侯伯子男五等。公侯一百里伯七十里子男五十里。○周公居

曼改制大其封公五百里侯四百里伯三百里子二百里男百里

秦爵十二等。○最高徹侯乃得食縣其次關內侯食租稅於關內餘十

八等大侯長以下則如吏職矣

漢國王國侯亭侯三等。○王皆裂地侯以戶數為差分人自此始。○漢

初論功封列侯者凡百四十三人食邑者除租每戶一歲更輸錢二百

後漢亦三等。○皇子封王其郡為國其列侯雖鄉冠元勳不過四縣

魏三公侯伯子男次縣侯次鄉侯次亭侯次關內侯凡十等。○關內侯

為虛封自此始又置名號侯爵十八級關中侯爵十七級。○亦有王公

侯伯子男又有開國郡公縣公郡侯縣侯伯子男及鄉亭關內等侯凡

十五等。王大國二萬戶三軍兵五千次國五戶二軍兵三千下國五

千戶一軍兵千五百其公之制如五千戶國侯如不滿五千戶國並置

一軍千人其伯子男以下各有差。不置軍

宋皆因晉制唯大小國皆二軍。○至孝武時凡國官屬不得稱臣於其

國改稱下官

齊因之梁因前代。定制諸王言曰令境內稱之曰殿下公侯言曰教

境內稱之曰第下皆自稱曰寡人相以下表疏如臣下不稱臣文書下

群官皆曰告

陳有郡王嗣王藩王開國郡公開國縣公侯伯子男沐食侯鄉亭侯開

國中關外侯凡十二等

後魏有王開國郡公散公侯散侯伯散伯子散子男散男凡十二等。

王食半侯伯四分食。公三分食一子男五分食一

北齊有王公侯伯子男六等

後周有公侯伯子男五等

隋國王郡王國公郡公縣公侯伯子男九等

唐國王郡王郡公開國郡公縣開國公侯伯子男九等。並無其士加實封者乃給租庸自武德至天寶實封者百餘家自至德至大曆三年實封者二百六十五戶通鑑

宋朝封國之差唐制王食邑五千戶郡王國公三千戶開國郡公三千戶縣公一千五百戶縣侯千戶伯七百戶子男五百戶又有食實封者戶給繅帛每賜爵遞加一級唐末及五代始有特加邑戶而罷實封之給又去縣公封侯以郡宋朝沿其制文臣少卿監以上武臣副使以上內職崇班以上有封爵丞郎學士刺史將軍諸司使以上有實封但以增戶數為差不繫給邑過其爵則進爵止於開國公每加食千戶至二百戶實封六百戶至百戶皆六等親王重臣或特加有逾千戶者皇屬有特封郡公縣公或增侯者無開國字開寶以來伐國降及乃臣反命不誅者亦封侯皆因其名以見其罪焉

三等國

舊有大次小三等以為進封之叙然每或封拜又有權升次小國為大國者景德中詔分三等以為定制今著于後

趙楊承信封公。晉太宗封王丁謂封公。秦孟旭向拱封公廷美封王。

齊廷美封王。魏武行德趙普馮拯並封公。韓真宗封王武行德王晏潘美曹利用封公。

魏劉進封公。魏侯章封公元佐封王。

越元雋封王。夏商周漢唐

已上大國十八

衛劉銀趙贊封德崇封王張永德封公。鄭張昭封公。蔡曹元儼封公。

許張從思趙普呂蒙正封公錢徽元祐封王。代潘美封公。徐元溥占蒙正並封公。

鄧張永德張耆並封公錢徽封王。岐陳洪進張旻封公。隋蜀郊王彥超封公。

邢宋儼封公。翼高懷德王欽若封公元雋封王。

壽真宗封王。鄆曹利用封公。荆元儼封王。昇仁宗封王。

雍元汾封王。豫梁揚新

已上少國二十四

嘉	末	岷	房	閻	隴	鄂	單	茅	賈	鄒	鄒	相	江
端	盛	瀛	褒	易	范	鄒	劉	脈	鄒	任	莒	豐	滕
循	濟	邠	康	定	郢	焦	鞏	庸	邠	崇	郭	蔣	向
恭	信	鄒	沛	高	鄒	宛	祭	畢	巴	榮	羅	蕭	黃
愿	義	邠	邠	洮	潜	鄒	邠	邠	申	扈	邠	邠	紀
雅	涇	順	邠	昌	浩	穰	邠	年	毅	濮	邠	譚	蕪
通	襄	渝	寶	翟	遼	葉	韋	權	頰	密	戴	霍	原
震	均	邠	邠	陸	羸	留	萬	甘	糜	巢	桐	夔	弦
資	睦	邠	邠	緇	絳	鄒	審	邠	黎	觀	遂	榮	邠
昭	丹	邠	邠	卞	汲	緇	杜	尹	葛	英	管	邠	邠
欽	思	邠	邠	綸	涖	劇	呂	温	蓼	號	沈	程	邠
珍	簡	邠	邠	盧	韜	費	皖	毛	項	宿	虞	邠	邠
淑	沂	邠	邠	翼	營	縉	邵	葵	晡	邠	應	邠	邠
集	邠	邠	邠	邠	邠	邠	邠	成	夷	祀	息	薛	道

潤	發	和
華	茂	衡
沂	衢	會
隸	澶	福
滑	德	撫
安	昌	表
翕	慶	桂
	吉	靳
	景	澧
	擗	深
	傅	洋
	賀	建
	惠	邠
	岳	邠

群書考索卷十八

後集

群書考索卷十九

後集

山堂先生章俊卿編輯
建陽知縣區玉校刊

○官制門

文階類

宋朝沿唐制設文階而等級小異

唐階曰開府儀同三司從一品特進正二品光祿大夫從二品金紫光祿大夫正三品銀青光祿大夫從三品正議大夫正四品上通議大夫正四品下太中大夫從四品上中大夫從四品下中散大夫正五品上朝議大夫正五品下朝請大夫從五品上朝散大夫從五品下朝議郎正六品上承議郎正六品下奉議郎從六品上通直郎從六品下朝請郎正七品上宣德郎正七品下朝散郎從七品上從義郎從七品下給事郎正八品上徵事郎正八品下承奉郎從八品上承務郎從八品下

儒林郎正九品上登仕郎正九品下文林郎從九品上將仕郎從九品
下凡二十九宋朝舊階曰開府儀同三司特進以上宰臣使相階光祿
大夫紫金光祿大夫正奉大夫以執政階朝請大夫朝散大夫朝奉郎
宣德郎承事郎承奉郎儒林郎文林郎登仕郎將仕郎以上為京朝官
至侍從階凡十有五

寄祿新格

元豐三年詔中書令將使臺省寺監之官實典職事領空名一切罷去
而易之以階因以制祿未幾官制以階易寄祿新格今具下項特進金
紫光祿大夫銀青光祿大夫光祿大夫正議大夫通議大夫太中大夫
中大夫中散大夫朝議大夫朝請大夫朝散大夫朝奉大夫朝請郎朝
散郎朝奉郎承議郎奉議郎通直郎宣徽郎宣義郎承事郎承奉郎承
務郎

元祐初三光祿正議中散朝議六階各分左右詞人為左餘人為右

元祐三年詔自今朝議中散正議光祿銀青光祿金紫光祿大夫並置
左右進士出身及帶職人轉至左朝議中散為二資餘人轉至朝議中
散為左右二字為四資以上各理七年磨勘其正議至金紫並分左右
字為八資應今官已及此者悉加之

既而寄祿官並分左右

元祐四年三省言舊制京朝官以上各各分進士出身及餘人自改為
寄祿官並後一等改轉元差別除朝奉大夫以上置左右兩等外承務
郎以上至朝請大夫亦欲分左右兩等進士出身人加左字餘加右字
從之實錄元祐童正官制易其稱呼元祐間議者以為無以甄別流品遂
詞人加左字餘人加右字而若令將詞人有犯貪墨者去左而稱右庶
以為戒乎特守江夏且以為詞人犯貪而稱右可以為戒然餘人合稱
右者得無耻乎又若餘人犯貪墨則復何以為戒也請應貪墨吏詞人
則去左餘人則去右此庶幾有別而有所懲書上不行豈朝廷法令事
有未安非外官所得與邪塵吏

紹聖三年詔寄祿轉正議大夫光祿大夫銀青光祿大夫分左右朝請

大夫中散大夫亦仍舊存左右作兩資轉以分有無出身外餘並罷

崇寧初換選人七階

崇寧三年刑部尚書鄧洵武奏吏部選人自節察判官至主簿尉凡七等宜出自齊斷造為新名因而寄祿今擬下項留守節察判官為承直即掌書記支使防團判官為儒林即留守節察推官軍事判官謂之兩使職官為文林即防團軍事推官軍監判官謂之初等職官為從事即司錄錄事參軍縣令為通事即知錄事參軍為登仕即軍巡判官司理司戶司法簿尉為將仕即奉聖旨依旨國朝選人寄祿凡四等七資留守節察判官掌書記支使防團判官留守節察推官軍事判官為兩使職防團軍事推官軍監判官為初等職官司錄縣令知縣為令錄軍巡判官司理司戶司法簿尉為判司簿尉其陞遷之叙則自判司簿尉舉令錄令錄舉職官自職令書及格皆改京官不及格而有二薦書則

遷兩使職官謂之短般以勞叙賞謂之循資崇寧中鄧樞密洵武

以為各實渾殺不正乃改令七等以待選人其一曰三京府判官留守

判官節度觀察判官四色今日為承直即是也其二曰節度掌書記觀

察支使今日為儒林即是也其三曰防禦團練軍事判官留守節度觀

察推官今日為文林即是也其四曰防團練軍事推官今日為從事即

是也其五曰縣令錄事參軍今日為從政即是也其六曰試階知縣知

錄事今日為脩職即是也其七曰三京軍巡判官司理戶曹司戶法曹

司法參軍主簿縣尉今日為迪功即是也祖宗朝以考第資歷無過失而或有勞績者逾遷謂之循資若磨勘應格自縣令錄參以上及六考者有出身皆改着作即無出身及七考者改大理寺丞其有功賞循資者減一考若未該磨勘循資者至支使及八考者有出身改太子中允餘改太子中舍其四色判官及九考以上者改秘書丞十二考以上者改太常博士無出身人止於殿中丞而已至仁宗朝議者悉以考第改官者其員很多遂詔用帥臣監司通判保薦而以州縣多議定數以歲

改百員為額元豐肇新官制稍鑄改官之格改觀察判官以上有出身
改奉議郎無出身改通直郎掌書記改通直郎支使以下一劍改宣德
郎而以朝廷每以選人改官為重必命制誥近臣引對便殿上親閱其
人材歷任功過降旨改令入官或令改次等官或令更任一任回改官
不自廟堂進擬使此權專出主上也舊典

大觀初又置增宣奉正奉中奉奉直四階

大觀二年中書省檢會御筆寄祿官在神考時不分左右曩雖釐正猶
有存者若盡去之則序爵制祿等差終少人易以及今擬下項金紫光
祿大夫銀青光祿大夫光祿大夫舊繫右銀青光祿大夫宣奉大夫舊
繫左光祿大夫正奉大夫舊繫右光祿大夫通議大夫太中大夫中夫
夫中奉大夫舊繫左中散大夫有出身人及帶職人更不轉中散奉直
大夫朝議大夫奉直大夫舊繫右朝議大夫奉聖旨依詔旨官制寄祿
銀青光祿大夫與光祿正議中散朝議皆分左右朝議中散有出身人
皆超右其餘並以叙遷大觀中予為中書舍人奉詔以為非元豐本意

下擬定釐正乃參取舊名以奉直易右朝議中奉易右中散通奉易右
光祿而左銀青光祿大夫正為光祿大夫遂為定制石林燕語

政和末改迪功備職從政三階

政和六年御筆假將仕即可去假字為將仕即假承務即承奉事即可
為通仕即舊將仕即為迪功即登仕即為備職即通仕即為從政即依
通為十階

而寄祿之制始備紹興舉行元祐之法亦分左右至孝宗時階官並去左
右焉

寄祿官

特進見職門從一品舊為左

銀青光祿大夫舊為五

金紫光祿大夫正二品舊為吏

秦即官合屬官有中大夫漢氏因之**武帝**太初元年更名光祿大夫秩

比二千石掌論議無員後漢因之自**魏**以來諸公卿吉老多加其位晉

太始初分為左右光祿大夫皆為員宋因之唐六**南齊**左右光祿大夫

位從公開府置佐史如光祿大夫皆銀章青綬詔加金章紫綬者為金紫光祿大夫南齊百官志

又唐六典云魏晉有加金章紫綬者則謂金紫光祿大夫晉則金紫銀青左右四職並置又云晉有銀青光祿大夫王翹之則銀青非南

齊始置今並載之

左右光祿大夫並無員以養老疾陳金紫光祿大夫中二千石後齊

光祿大夫金紫銀青用人俱以舊德就閑者居之隋高祖左右光祿大

夫金紫銀青光祿大夫並為散官以加文武官之德齊者並不理事職

官唐為文散官宋魏舊階為執政階元豐寄祿新格以階易官以吏

部尚書為金紫光祿大夫五曹尚書為銀青光祿大夫左右丞為光祿

大夫續會要

宣奉大夫大觀新置

正議大夫舊為六曹侍郎

通議大夫舊為給事中

正奉大夫大觀新置

通奉大夫大觀新置

太中大夫舊為左右

宣奉大夫

元豐新制未有此階大觀初改左光祿大夫為宣奉大夫

正奉大夫

元豐新制未有此階大觀二年改右光祿大夫為正奉大夫

正議大夫

隋文帝置散官蓋取秦大夫掌論議之義通典宋朝元豐新制改六曹侍郎為正議大夫

六侍郎併作一等換正議大夫時論以宰執貪進宮作此蓋故事丞郎亦四轉今乃減作兩轉舊官制

元祐寄祿有分左右紹聖罷分而正議大夫仍舊存左右作兩資轉大觀初改右正議大夫為通奉大夫而左正議大夫去左字為正議大夫

通奉大夫

元豐新制未有此階大觀初改右正議大夫為通奉大夫

通議大夫

隋煬帝置散官蓋取秦大夫掌論議之義也。宋朝元豐新制改給事中為通議大夫。

太中大夫

秦太中大夫秩比千石掌論議。漢氏因之。梁班第十一秩千石。北齊從第三品。唐從散官。宋朝元豐新制改左右諫議大夫為太中大夫。神宗以寄祿官等級少遂以太中為宰相官蔡確時任右諫議大夫參知政事兌換太中大夫及拜相則依前太中大夫守左右僕射遂為定制。

中大夫

自此以下別流品至詳。舊為秘書監。

秦置中大夫。漢武帝太初元年改為光祿大夫。唐為散官。宋朝元豐新制改秘書監為中大夫。

秘書殿中監為一等。元豐三年偶闕任殿中監者改以右秘書監。神宗以太中大夫為宰相官故初除執政止授中大夫。是時以翰林學

士滿宗孟王安禮為左右二公寄祿官皆未至大夫遂除中大夫。

之官制

中奉大夫

大勳

中散大夫

舊為光祿卿至少府監

王莽所置。後漢因之。六百石無員。魏晉因之。齊職儀品第七。絳朝服進賢一梁冠。班第十。陳秩千石。唐為散官。歟。宋朝元祐寄祿官皆分左右。詔左右中散大夫以二十員為額。紹聖罷分而中散大夫仍舊存。左右作兩資。韓大觀初改左中散大夫為中奉大夫。其右中散大夫去。右字為中散大夫。

朝議大夫

舊為太常少卿左右司印中光祿少卿

漢官儀大夫以上得奉朝議則其義也。隋文帝置為從三品散官。唐為正五品下。宋朝元豐新制改太常至光祿少卿為朝議大夫。

少卿監左右司印中等級最多一換之則清濁莫分。舊制從官為左右司印中當遷者左司轉左諫議大夫。右司轉右諫議大夫。太常少卿

若自吏兵部即中轉到者遇時旨轉行亦遷右諫則是朝議轉太中也崇寧以前從官自轉朝議直轉中大夫乃用元豐故事以中大夫為執政官比舊制太中大夫自增中奉大夫遂用細轉乃由當時執政不知典故爾至廢僚職方即中轉光祿少卿駕部郎中轉司農少府或將作監次遷衛尉卿則是有出身者三遷至祕書監無出身者五遷至殿中監皆中大夫也近制增中奉大夫奉直大夫兩等乃合

舊制官制

元祐三年詔左右朝議大夫以五十員為額

奉直大夫

元豐新制未有此階元祐寄祿官皆分左右哲宗罷分而朝議大夫仍舊存左右作兩資轉大觀初改右朝議大夫為奉直大夫詔有出身及帶職人更不轉中散奉直大夫政和中詔朝議奉直大夫今後共以八十員為額

朝請大夫

舊為前行即中

散官取漢將軍公卿年高德重者以列侯就第特進奉朝請之義

大唐因之典宋朝元豐新制改六曹前行即中為朝請大夫

朝請大夫換前行即中朝散大夫換中行即中朝奉大夫換後行即中故事曹名雖轉正即亦不呼即中只稱曹名以示其出常調也自改大夫更無別焉官制舊典

朝散大夫

舊為中行即中

隋置散官大唐因之宋朝元豐新制改六曹中行即中為朝散大夫

朝散大夫

舊為後行即中

宋朝元豐新制改六曹後行即中為朝奉大夫

朝請即

舊為前行員外郎待御史

隋置散官蓋採晉宋齊梁陳並有奉朝請員為名大唐因之宋朝元

豐新制改六曹前行員外郎為朝請即

朝請即換前後員外郎朝散即換起居舍人及中外員外郎朝奉即換左右司諫及後行員外郎此三等階混殺尤甚舊制狀元登第初

為將作監求一兩遷右司諫次轉起居舍人兵部員外郎三人及第
并制科歷一任回自太常博士遷祠部度支司封員外郎進士出身
自太常博士屯田都官職方員外郎世賞自國子博士轉虞部駕部
員外郎雜流自國子博士轉水部司門庫部員外郎祖宗不以名器
假人故命以別之也官制

朝散郎 舊為中行員外郎起居舍人

隋文帝置典通唐因之宋朝元豐新制改六曹中行員外郎及起居舍人為

朝散郎

朝奉郎 舊為後行員外郎左右司諫

宋朝元豐新制改六曹後行員外郎及左右司諫為朝奉郎

承議郎 舊為左右正言太常國子博士

隋煬帝置唐因之典宋朝元豐新制改左右正言太常國子博士為承

議郎

承議郎換左右正言太常國子博士舊制初除知制誥及待而官未

至員外郎即除右正言狀元自著作郎亦除左正言若有出身人皆

遷太常博士餘人遷國子博士易階官後清濁無別矣官制

奉議郎 舊為太常秘書中丞著作郎

隋文帝置通議郎唐改奉議郎通宋朝元豐新制改太常秘書殿中丞

為奉議郎

奉議郎換三丞及著作郎舊制前名自太子中允太常丞著作郎遷

秘書丞大理寺丞遷殿中丞狀元自將作監丞遷著作郎無出身自

贊善中舍洗馬皆遷殿中丞以上皆號大朝官官制

通直郎 舊為太子中允贊善大夫洗馬

隋置通直郎通唐因之宋朝元豐新制改太子中允左右贊善大夫中

舍洗馬為通直郎

通直郎換太子中允贊善中舍洗馬號小朝官舊制初擢用京官選

人為經筵官及臺諫皆除中允若擢轉運判官則前除中允無出身

人為經筵官及臺諫皆除中允若擢轉運判官則前除中允無出身

人除齊善若叙選則有出身人轉中舍率執奏補者轉贊善雜流轉
流為美有以別之自改官制後初除待制以上而官未歷陞朝者並
改通直郎及做舊帶除正官耳官制

宣徽郎 舊為光祿衛尉寺丞
將作監丞 舊為光祿衛尉寺丞

隋置散官唐改為宣義郎蓋取梁宣義將軍之名通宋朝元豐新制改
光祿衛尉丞作監丞為宣義郎

宣義郎換光祿衛尉寺丞將作監丞舊制凡前名自太祝奉禮轉官
選人改次等官皆選光祿寺丞餘人大理評事自太祝轉官選光祿
寺丞奉禮轉者及選人改次等官皆選衛尉寺丞官制

承事郎 舊為大理評事

隋煬帝置徵事郎唐因之大宋朝新制改大理評事為承事郎

承事郎換大理評事舊制凡前名授書正字主簿皆轉大理評事登
科甲者命官亦如之熙寧末狀元方除評事餘人自太祝奉禮遷者
皆轉評事宰相任子亦如之官制

承事郎 舊為大理評事

隋文帝置典唐因之宋元豐新制改太常寺太祝奉禮即為承奉郎
承奉郎換太祝奉禮即舊制執政任子為太祝其用宰執恩澤轉者
遷太祝用侍從恩澤轉者遷奉禮官制

承務郎 舊為書省校書郎
正字 將作監主簿

唐置蓋因隋尚書二十四司承務郎之名通宋朝元豐新制改秘書省
校書郎正字將作監主簿為承務郎

承務郎換校書正字監主簿前執政任子校書郎學士任子為正
字諫議待制任子為將作監主簿官制

承直郎

崇寧初以選人七等造為新名改留守節察判官為承直郎從鄧洵武
之請也

儒林郎

唐置前史有儒林傳之名取其義也大宋朝新制改節察掌書記

支使防團判官為儒林郎

文林郎

唐置取[?]齊文林館徵文學之士以充之[?]宋[?]崇寧新制留守節察推官軍事判官為文林郎謂之兩使職官

從事郎

崇寧新制改防團軍事推官軍監判官為從事郎謂之初等職官

從政郎

宋[?]崇寧新制改司錄為錄事參軍縣令為通仕郎政和中御筆改通仕郎為從政郎

備職郎

宋[?]崇寧新制改知錄事參軍知錄事為登仕郎政和中御筆改登仕郎為備職郎

迪功郎

宋[?]崇寧新制改軍巡判官司理司戶司法簿為將仕郎政和中御筆

改將仕郎為迪功郎

群書考索卷十九

後集

群書考索卷二十

山堂先生章


俊卿

建陽知縣區玉

玉

縣承管 韶

同校



。官制門

武階類

宋朝沿唐舊制武選之稱自內客省使至閑門使使各有副為橫行自

皇城使至供備庫使為諸司正使自皇城副使供備庫副使為諸司副

使自內殿承制至三班借使為使臣元豐肇正文階而武階猶未及改

元豐董正官制如武臣易將軍校尉之號竟獨依舊不復更定

政和初一切易以新名正使為大夫副使為即橫行十二階正副亦然

是以有即居大夫之上者其後以新名未足又增置宣正履正協忠翊

衛親衛大夫即通為橫行

政和六年御筆官爵以待勞能今與事造功能者輩出而官名未及
何以應獎多士可增下項右武左武拱衛親衛中衛中亮中侍
協恩慶正宣正三侍大夫通舊依此即亦如之唯不置通侍
忽與誰感蓋正其序即皆在大夫之下云聖朝職畧

大尉親衛

橫行十三階

通侍大夫舊為內客省使政和新制宋朝內客省使未嘗除人自易武階詔不置

通侍蓋導祖宗之意也

正侍大夫舊為延政和政和新置

宣政大夫政和初易武階未有宣政大夫續增置而

履正大夫政和續增置

協忠大夫政和續增置

忠侍大夫舊為景福殿使為之政和新制

忠亮大夫舊為客省使政和新制

親衛大夫舊為引政和政和新制

拱衛大夫政和續增置

拱衛大夫舊為四政和政和新增

左武大夫舊為東上政和政和新制

右武大夫舊為西上政和政和新制

舊諸司使八階

武功大夫舊為皇政和政和新制

武德大夫舊為宮苑左右政和政和新制

武顯大夫舊為左藏庫使政和新制

武節大夫舊為內閣苑政和政和新制

武器大夫舊為內閣苑政和政和新制

武經大夫舊為西京政和政和新制

武義大夫舊為西京政和政和新制

武翼大夫 舊為供備車使

舊橫行副使

正侍郎舊在右武大夫之下右武即舊在武功大夫之上紹興始釐正焉

十二階

正侍郎 宣正郎 履正郎 協忠郎 中侍郎 俱政和續增置

忠亮郎 舊為客政和新制

忠衛郎 舊為外政和新制

翊衛郎 親衛郎 政和續增

拱衛郎 政和新制以四方館使為拱衛大夫而四方館舊無副使續置拱

衛郎

左武功郎 舊為東政和新制

右武功郎 舊為西政和新制

舊諸司副使八階

武功郎 舊為皇政和新制

武德郎 舊為官使左右政和新制

武顯郎 舊為左使東政和新制

武節郎 舊為右使西政和新制

武器郎 舊為內使東政和新制

武經郎 舊為西使西政和新制

武義郎 舊為京使東政和新制

武翼郎 舊為供備政和新制

小使臣十二階

訓武郎 舊為內承制

從義郎 舊為東頭

忠訓郎 舊為左

成忠郎 舊為直

承節郎 舊為三

備武郎 舊為內

東表郎 舊為西頭

忠訓郎 舊為右

成忠郎 舊為直

承節郎 舊為三

進武校尉舊為三班差使 進義校尉舊為三班差使

已上政和新制

太史局類

太史令

三代各有太史秦有太史令胡毋敬秦漢以來太史之任兼成周太史

馮相保章三職通漢司馬談父子相繼為太史令遷云文史星曆近乎

卜祝至宣帝時脩撰之職以他官領之此語見通典中書令史官門於是太史之

官唯知占候而已已上合攷通典

又史通曰自古太史之職雖有著述為宗而兼掌曆象日月陰陽氣

數司馬遷既沒後之續史記者褚先生劉向馮商楊雄之徒並以別

職來知史務於是太史之署非復記言之司故張衡單颺王立高堂

隆等其當官見稱唯知占候而已

故後漢百官志曰太史令掌天時星曆而不及史掌晉太史令品第七

江左次他官兼領

六典注云高瑩以侍中陳卓以義興守吳道欣以殿中侍御史兼領

宋齊梁陳同隋秘書省太史曹置令二人煬帝改曹為監唐因之武德

改為太史局龍朔改秘書閣局光宅改渾天監又曰渾儀監長安復曰

太史局景龍曰太史監景雲又為局掌察天文稽曆數凡日月星辰

風雲氣色之異率其屬而占每季錄祥眚送門下中書省紀于起居注

歲終上送史館歲頒曆于天下唐百官志。宋朝因梁曰司天監或以他官

兼判又有同判之名以朝官充

兩朝國史志云監及少監闕則置判監事二人以五官正以上充與

分紀同

掌察天文祥異鐘鼓刻漏稽定曆數供諸壇祭祀神位版畫日兩朝元

豐官制行改為太史局有令有判局有同判局選五官正以上業優考

深者二人為判及同判掌占天文及風雲氣候凡祥異之事自其所占

以聞歲一頒曆則造進御覽祭祀婚冠喪葬則擇所用日政和因仍無

所改其別局有天文院鍾鼓院測驗渾儀刻漏所印曆所皆主占驗曆

考索後集卷二十七 官制 進義校尉 舊為三班差使

法續會

太史正

國初司天監無正元豐官制行太史局置正太史令總一局之事而正與丞為之貳

五官正

唐乾元三年置春官夏官中官秋官冬官正各一人掌司四時各司其方之變異唐志宋朝設五官正至道中詔五官正磨勘至殿中丞止以後只加檢校官元豐無改所掌與唐同

大史丞

漢太史有丞一人秩二百石魏晉宋齊皆同隋置二人煬帝減一人唐初不置久視改渾儀監始置丞二人長安省景龍復置宋初司天監有丞元豐官制行置太史局丞續會大史令總一局之事而丞為之貳

太史局直長

宋初司天監無直長元豐改太史局有直長自直長至今十年一遷續會元祐官品直長從八品

靈臺郎

後漢太史下別有靈臺丞掌靈臺云掌候日月星辰後漢自魏太史有靈臺丞主候望即隋有天文博士唐初因之長安二年改為靈臺郎即乾元元年改五官之名也宋初司天監有靈臺郎慶曆詔十年遷元豐繼改太史局有靈臺之名如故惟試中乃遷續會

保章正

周禮春官太史屬有保章氏秦漢以來無其職後周春官府置太史其屬有保章上士中士即其任也至隋置曆博士唐長安四年改曆博士為保章正掌教曆生乾元元年加五官之名宋初司天監有保章正慶曆五年詔保章十年一遷官元豐改太史局而保章正如故掌曆法及測景分至表準五年一遷官續會

保章正

周制夏官有挈壺氏秋官有司審氏春官雞人氏凡三職咸掌其事自
漢以後太史掌之唐長安四年始置挈壺正掌知刻漏孔壺為漏浮箭
為刻以考中星昏明之候乾元元年加五官之名獻宋初司天監有挈
壺正元豐改太史局而挈壺正如故太史局官有五年一遷者十年一
遷者有試中而遷者惟挈壺正無遷法

醫官類

和安成和成安成全大夫舊為軍保和大夫舊為西保安大夫舊為
翰林良醫舊為翰林和安成安成和成全舊為軍保和保和舊為
使保安即易副使翰林醫正舊為翰林醫官副使翰林醫官翰林醫效翰林醫痊
翰林醫愈翰林醫證翰林醫診翰林醫候翰林醫學
舊諸司使副有醫官使及副使蓋自太醫丞直院轉醫官副使叙遷年
格一同武官但為東班使額耳
謂自法酒庫以上至皇城使
政和初既易武階而醫官之名亦遂焉凡十有四階立和安大夫視推

易健以上翰林良醫視醫官使其和安即以下視東副使若醫官副使
則以翰林醫正易之

官制舊典云此各皆大臣所擬無所稽據傳白登高能賦可以為大
夫今乃以雜流為之可見當時大臣之不學也

舊額和安大夫至良醫二十員紹興二年五員和安即至醫官元額三
十員紹興二年四員醫効元額七員紹興二員醫痊元十今一員醫愈
至祗候大方脈元額百五十員紹興十五員而已中興

后妃

帝嘗有四妃以象后妃四星
其一明者為正妃餘三小者為次妃

帝堯因焉

舜不告而立正妃但三妃而謂之夫人

雖怒所歌相夫人舜妃也

夏后氏增以三三而九合十二人。春秋說云天子娶十一女即夏制

也

殷又增以三九二十七合三十九人

周人法帝尊立正妃又三九二十七為八十一人合百二十一一人其位

后也夫人也嬪也世婦也女御也五者相三以定尊卑焉以所云。故

禮曰古者天子后立六宮三夫人九嬪二十七世婦八十一御妻以聽

天下之內治

天子立六宮三公九卿二十七大夫八十一元士以聽天下之外治

並通

漢興因秦之稱號帝母稱皇太后帝祖母稱太皇太后正嫡稱皇后妾皆

稱夫人又有美人良人八子七子長使及使嬪好武帝如姪嬪容

華充衣武帝置昭儀元帝置五官順常儼消共和熹璽寶林良使夜者上家

人子中家人子前漢外

後漢皇后紀論曰后正位宮闈同體天王三夫人坐論婦禮九嬪掌教

四德世婦主知喪祭賓客女御亭于王之燕寢頒官分務各有典司女

史彤管記功書過居有保阿之訓動有環佩之響所以能述宣陰化脩

成內則闈房肅雍險諤不行者也光武燕闕此號唯皇后如舊有貴人

貴人金印紫綬。美人官采女皆無祿秩四時賞賜而已

漢法常因八月筭民遣中大夫與授拜丞及相工於洛陽鄉中闕視

良家童女年十三以上姿色端麗載選後宮擇視可否紀分

魏武帝因西漢置夫人昭儀婕妤容華美人文帝增置貴嬪一人並位

后淑媛脩容順成良人明帝又增淑妃昭華脩儀似夫人以下爵凡士

二等

唐后妃傳唐自隋制皇后之下有貴妃淑妃德妃賢妃並為夫人昭儀

昭容昭媛脩儀脩容脩媛充儀充容充儀為九嬪婕妤九人美人九人

才人九人寶林二十七人御女二十七人其餘六尚諸司分典乘輿服

御元宗以后下復有四妃非是乃置惠昭華三妃以代二夫人又置六

儀四美人七才人而尚宮尚儀尚服各二人參合前號大抵踵周官相

損益云紛

宋朝沿唐制置貴妃淑妃德妃賢妃此古之所謂四妃佐皇后論婦禮於內者也秩視三公恩同宰相累朝多元豐緣有二員政和後冊妃至六七人次有九嬪秩視六卿次有婉容婕妤恩比侍從宮女有貴人才人美人郡君皆有閣分恩各有差而以時御于帝所若受帝社生男則遷兩等生女則遷一等遇覃恩方繁進一官故於叙遷甚艱祖宗惜名位雖於內寵未嘗用私恩官制

又云至和嘉祐間嬪御久不得遷屢有干請上答以無典故又上笑答汝不信試與降旨政府遂執奏無法或有只請御筆進官者上取彩牋戲書云某官某氏特轉某官至崇寧時各出御書請增祿有司不敢遵用退復訴於上前上笑以遣之咸服仁宗之聖斷其禁中執事六次者封郡國夫人其速事兩朝乳保至尊則進封四加國號保聖焉

明道初以仁宗母順容李氏為宸妃宸妃之號惟此一見焉乾興末初仁宗即位尊淑妃楊氏為皇太妃元豐不哲宗即位尊德妃朱氏為皇

太妃太妃之號前後再見焉聯

外命婦類

三代之制諸侯之婦曰夫人大夫曰孺人士曰婦人妾人曰妻公侯有大夫有世婦有妾有妾邦君之妻君稱曰夫人夫人自稱於天子曰老婦自稱於諸侯曰寡小君自稱於其君曰小童邦人稱之曰君夫人自此婦以下自稱曰婢子凡婦人無爵從夫爵坐以夫之齒至漢始有封君之號公主者邑司之制元豐七年始令列侯太夫人夫人無得擅微捕唐外命婦制

皇后妃嬪及太子良娣以下為內命婦公主及王妃以下為外命婦也

諸王母妻及妃文武官一品國公母妻為國夫人三品以上母妻為郡夫人四品母妻為郡君五品母妻為縣君散官同職若勳官四品有封母妻為鄉君其母邑號皆加太字視天子之品通。宋朝舊制外命婦有國夫人郡夫人郡君縣君之號初以為此特沿五代之制且非婦道也乃別造新名以命之

政和二年蓋古者妻隨其夫之爵國家承襲五代或有未革今命婦
猶列郡縣以稱君蓋非婦道又等級既少輕重不倫可改依下項武
臣準此事見詔旨

執政以上封夫人

太師太傅太保左丞相右丞相少師少傅少保主樞密使開府儀同三
司封國夫人知樞密院事參知政事同知樞密院事樞密副使簽書樞
密院事特進太尉太子太師太傅太保觀文殿大學士太子少師少傅
少保金紫銀青光祿大夫光祿大夫左右金吾衛上將軍左右衛上將
軍節度使封郡夫人

尚書以上封淑人

御史大夫觀文殿大學士資政保和殿大學士六曹尚書翰林學士承
旨翰林學士資政保和端明殿學士龍圖天章寶文顯謨徽猷敷文閣
學士

侍即以上封碩人

左右散騎常侍權六曹尚書御史中丞開封府戶六曹侍郎樞密直學
士龍圖天章寶文顯謨徽猷敷文閣直學士宣奉正奉正議通奉通議
大夫左右驍衛以下諸衛上將軍殿前都指揮使承宣使太中大夫觀
察使入內內侍省內侍省都知帶遙郡團練使以上政和殿中監大司
晟

太中大夫以上封令人

太子賓客詹事給事大中書舍人殿前副都指揮使左右諫議大夫權
六曹侍郎樞密都承旨保和殿待制龍圖天章寶文顯謨徽猷敷文閣
侍制太常宗正卿秘書監中大夫七寺卿中奉中散大夫防禦團練使
左右金吾以下諸衛大將軍入內內侍省內侍省副都知押班帶遙郡
團練使以上政和大司樂殿中少監

中散大夫以上封恭人

通侍大夫馬軍都指揮使副都指揮使安軍都指揮使副都指揮使國
子祭酒太常宗正少卿秘書少監正視宣正履正協忠忠侍忠亮大夫

太子左右庶子中衛翊衛親衛拱衛左武右武大夫諸州刺史駙馬都尉集英殿備撰七寺少卿朝議奉直大夫八內內侍省內侍省都知武功至武翼大夫帶通郡團練使以上宣政使政和典樂

朝奉大夫以上並封宜人

中書門下省檢正諸房公事尚書左右司郎中右文殿備撰國子司業少府將作軍器監都水使者太子少詹事左右諭德八內內侍省內侍省副都知押班樞密承旨樞密副都承旨起居郎起居舍人侍御史尚書左右司員外郎樞密院檢詳諸房文字祕閣備撰開封少尹尚書六曹郎中開封府判官推官直龍圖閣朝請朝散朝奉大夫管客省四方館閣門公事武功至武翼大夫帶通郡刺史武功至武翼大夫政和辟雍司業知引進司公事

朝奉郎以上封安人

直天章閣殿中侍御史左右司諫正言符寶郎內符寶郎正侍宣正履正協忠志侍忠亮忠衛翊衛親衛拱衛左武右武郎樞密副承旨尚書

六曹員外郎同管客省四方館閣門公事樞密院諸房副承旨直寶文閣開封府司錄參軍事朝請朝散朝奉郎少府將作軍器少監監祭御史和安成和成安成全平和保安大夫諸衛將軍著作郎武功至武翼郎政和養書引進司公事殿中丞


通直郎以上封孺人

直顯謨徽徽敷文閣承議郎翰林良醫和安至保安郎翰林醫官直祕閣左右郎將奉議郎太常宗正祕書丞大理正太史局令判太醫局閤門舍人宣贊舍人翰林醫效醫痊太子左右衛司禦清道監門率府率七寺丞祕書郎著作佐郎國子監丞諸王宮大小學教授國子博士大理司直評事敷武郎通直郎備武郎政和直翰林醫官局太醫丞太常博士祕書省主簿辟雍丞

群書考索卷二十一

後集

老翁後集卷二



馬